

888 797

L'ANTI-REQVESTE
CIVILLE.

M. DC. XLIX.

878
LANTI-REOVESTE

CIVILLE

M. DC. XLIX



L'ANTI-REQVESTE

Ciuille.

IE vous supplie insolents calomniateurs de supprimer vos pernicious libelles, & de ne donner pas tant de liberté à vos langues, par lesquelles vous taschez de déchirer la reputation, & ternir la gloire des plus illustres Senateurs de l'Vniuers, de souiller la pourpre de ce grand Ministre d'Estat qui a le maniement des affaires de France entre ses mains, & de ternir l'honneur de la plus sage & plus vertueuse Reine qui a iamais porté Diademe, il vous en arriue de mesme qu'à ceux qui crachent contre le Ciel, car leur excrément retombe sur eux. Ainsi les iniures & les imprecations, que vous vomissiez retournent en vous-mesmes, accompagnées d'une honte & d'une confusion sans exemple; Vous estes semblables à ces peuples barbares, qui sur le matin louent & remercient le Soleil du bien & de la faueur qui leur fait de leur communiquer sa lumiere, & sur le soir, ces ingrats pour recompence, luy tirent des coups de flesches. Lors que la paix & la tranquillité commençoit à estre restablie dans Paris, vous chantiez des Peaus de gloire, & des louanges à nos Anges tutelaires, & maintenant qu'ils l'ont entierement assuree & confirmée, vous décochez contre leur renommée mille reproches & opprobres, sans que vous consideriez que si vous iouissiez du repos que vous en estes redevables à la diuinité de leur esprits, & à la solidité de leur iugement; Osez-vous bien prendre la hardiesse de dire que non seulement par leur conference: & leur traité, ils vous ont porté des preiudices, mais encores à nos Generaux de Paris, & à tout le peuple de la France: Certainement vous faites clairement:

voir que vous estes comme les enfans de Zebedée que vous ne scauez ce que vous demandez, ny ce que vous dites; Vous souhaitiez la paix, & vous ne voudriez pas que l'on se feust seruy des moyens necessaires pour la reestabli; Vous blasmez en vostre infame Requête Ciuille, en particulier & en general les Deputés de la Conference de Ruël; & Nosseigneurs du Parlement pour ce sujet, vous alleguez que les vns n'estudient que leurs propres interets, que ceux-là ne s'attachent qu'à la faueur, que les autres sont trop timides, & que tous en general n'ont pas assez de zelle pour le repos public ny pour le soulagement du tiers Estat. Vostre resonnement nous fait croire, ou que vous estes insensé, ou que Dieu ne vous veut pas faire connoistre la verité en punition de vos crimes: Si vostre proposition estoit veritable ne serions-nous pas encore dans les mesmes peines & inquietudes que nous estions au mois de Mars dernier. Pauvres aveugles detrompez-vous, & soyez certains que ces grans hommes se sont employez avec tant de prudence & de passion à nous acquerir la paix, qu'ils ont fait connoistre euidentement qu'ils estoient les vrais peres de nostre patrie. Et tout ainsi que les peres bien sensez preferent le bien de leurs enfans à leurs propres interets, qu'aussi les autres ont mieux recherché la tranquillité & l'utilité du public, que non pas leur repos ny leur bien particulier.

Vous vous plaignez qu'ils ont accordez des articles qui incommoderont leur peuple, ie vous responds qu'ils pourroient luy estre ennuyeux, si le Roy, la Reine Mere, & son Conseil n'auoient assez de preuoyance & de bonnereté pour n'exiger des Habitans de Paris, ny du peuple de France, que les deniers qui sont necessaires; & qu'il peuvent fournir sans beaucoup s'incommoder. Vous ne doutez pas que les frais de la guerre sont grands & excessifs, en ceste occasion, on est contraint de demander des plus grandes sommes, par des tailles & des impôts, que l'on ne feroit, si nous auions

1001

5

auions la paix, dont nous esperons bien tost la glorieuse iouissance : Les Empires les plus florissants sont tombez dans la domination des Princes estrangers, par l'interieur desunion & la desobeissances des peuples à leurs legitimes Souuerains : Si vous iettez les yeux dans l'Empire de Perse & de Constantinople, vous trouuerez que ces peuples sont tombez souz la barbare dominatton du grand Seigneur, qui les a contraint de quitter leur vraye religion, pour suiure l'Alcoran, par ce qu'ils s'estoient reuoltez contre leurs naturels souuerains, & auoient refusez de leurs prestre secours, & de fournir de l'argent, qui est le nerf de la guerre, pour faire subsister leurs armées cōtre celles de leurs ennemis. Ceste exemple nous doit faire tirer du sang de veines & contribuer de tout nostre cœur aux frais de la guerre presente, afin de maintenir tousiours nostre Roy victorieux, & de viure & mourir souz ses loix, n'aduioiez-vous pas que vous auez tort de vous plaindre des articles accordées, examinez vn peu l'estat present des autres Royaumes de la terre, & vous verrez les peuples y supportent bien peu des charges & des subsides que non pas nous autres. Sile Roy deuoit suiure la vonté de ses suiets, & regner à leurs fantaisie, il perdrait le titre de Monarque, ainsi la France qui est la premiere & la plus belle Monarchie qui soit dans l'Vniuers, ne seroit plus vne Monarchie, mais vne demornachie. Rentrez dans vous-mesmes, & confidez que vous n'avez point de raison de parler ny descrire si insolentement, pour rendre vostre discours plus autétique. Vous soustenez encore, que Messieurs nos Generaux de Paris ont esté lezez dans c'est accommodement, c'est sans raison & sans fondement que vous tenez ces propos, car bien que dans les articles on n'en ait pas fait vne expresse mention, neantmoins ils ne laissent pas de iouir de tous les priuileges immunités, charges, dignitez & faueurs du Roy. On auroit fait tort à leur merite & à leur valeur, si l'on auoit couché par escript & fait vne article par lequel ils iouiroient des

B

bonnes graces de sa Majesté, les grands personnages sont trop recommandables & trop necessaires à la Couronne, leur courage & leur sage conduite donnant d'assez forts mouuements aux cœurs du Roy & de la Reine Mere, pour les exciter à les vouloir tousiours honnorer de leur amitié: Mais ô chose déplorable, vous vous pleignez d'un suiet d'ot ils sont satisfaits, auez-vous plus de part à leurs interests que eux mesmes? peut-estre vous estes mary de n'auoir pas esté deputez à la Conferance, vous deuriez mourir de hôte: mais sans doute vous n'en auez point, que s'il vous reste quelque peu de conscience, vous confesserez ingenuement que vous n'auetz point de suiet de vous plaindre des conuentions des articles, vous adioustez encore, qu'ils n'ont pas eu vne recompense digne de leur merite, auez vous bien la pensée de croire que ces grands Heros se soiēt employez pour vostre soulagement, pour l'entretien & la conseruatiō du cōmerce & de l'abondance des viures dans Paris, & enfin pour nous remettre en tranquillité, à dessein de receuoir des sōmes immenses, leur cœur genereux n'a iamais desiré aucū loyer ny salaire de leurs peines & traualx, que l'honneur & la gloire, d'auoir bien seruy leur patrie: Cette glorieuse ambition leur a fait mespriser les hazards, brauer les iniures du tēps. La rigueur de l'Hyuer, le froid, la pluye, la neige, & les autres metheores qui troublent l'air, & rauagent nos campagnes en cette coniecture, comme par vne Antiperistase faisoient bouillir leur sang dans leur veine, & eschauffent davantage leur cœur, les Alexandre, les Cesar, les Pompée, les Scipion, & tout ce qu'il y a eu dans l'antiquité d'honestes gens ne sont rien en comparaiſon de nos inuincibles Adlethes qui vous sont fort redeuables du peu d'honneur que vous leur rendez, lors que vous faites leurs espées mercenaires; Cēt excès d'ingratitude que vous tesmoignez auoir dans vostre ame, est vne marque trop suffisante de vostre mauuais naturel, qui vous porte à n'espargner point la renommée de Monsieur le Cardinal Maza-

rin, vous deuriez auoir esgard au rang qu'il tient en la maison de Dieu, & au service qu'il rend à la France; Cependant que vous estes en repos ou bien parmy les pots; Ce grand genie est enfoncé dans vn extrême soing qu'il a de treuuer les moyens de faire vne paix aussi honorable qu'aduantageuse pour cét Empire; Vous l'accusez de concussion, de peculat, de trahison, & le rendez coupable des sept pechez mortels. Si son ame estoit noircie de ces imperfections, Rome ne l'auroit pas mis au rang de ses Cardinaux, le grand Armand de Richelieu d'heureuse memoire ne l'auroit pas attiré auprès de sa personne, & Louis le Iuste n'auroit pas voulu entendre ses oracles & ses conseils, en vn mot, si ce grand Ministre d'Estat eut eu la moindre apparence du vice, la Cour, la France, & tous nos Princes ne l'auroient pas veu de si bon œil, ny n'auroient pas eu en luy vne si grande confiance: Et la Reine Regente Mere du Roy, auroit bien sçeu trouuer le moyen de le remercier: Certainement vostre condition est lamentable autant qu'elle semble insolente, vous n'estiez pas contans de vous en prendre aux Mortiers, aux pourpres, mais encore à la Couronne de sa Maiesté, & Regente en ce Royaume; Vous blasmez la Reine Mere du Roy, de peu de conduite dans les affaires d'Estat, & de peu d'affection pour ses peuples; N'apprehendez-vous point que Dieu vous punisse à cause de ce blaspheme, vous tancez cette grande Semiramis de paresse, & cette vaillante Amazone de peu d'ambition & de zelle pour le bien de ses Suiets; Sçachez que depuis le Regne de Pharamond iusques à celuy de nostre ieune Monarque, vous ne trouuerez point aucune Reine Mere du Roy, qui ayt eu tant de zelle pour la conseruation de ses Estats, tant de passion pour le bien de son peuple, auoir tant de soing de bien esleuer, & faire instruire son Fils, son Seigneur, & son Roy, comme nostre tres-vertueuse & tres-sage Princesse Mere de nostre ieune Monarque? A-t'on iamais veu Reine Regente en France auoir de si violents

desirs pour l'accroissement de la France, & faire de si puissants efforts contre mesme son propre sang pour maintenir la gloire du sceptre François; Et a-t'on iamais veu Reine dans l'Vniuers qui ait mieux fait observer la Iustice distributive & commutative dans ses Estats, ses veilles, ses ennuys, les peines & trauaux, confirment cét adage du Poëte,

Si scires quantum valet diadema nitorem,

Malles Sysiphei lapidis esse reus.

Et i'ose dire que Sysiphe peut auoir de l'accoustumance dans son trauail, mais nostre grande Reine n'en peut point auoir dans le sien, parce que tous les iours il change d'espece & de forme; Apprenez donc malheureux Thersites à commender à vostre langue, & de ne juger point des affaires d'Estat, dont à peines vous cognoissez la superficie ou le pretexte; Si vostre esprit estoit capable de penetrer dans les secrets mysteres de la Cour, vous auriez en admiration les illustres personnes dont vous parlez à vostre phantasie, mais parce que vostre esprit n'est pas plus releué que vostre condition, & que vous estes autant ignorant que vous estes discoureur, de là vient que vous les auez autant à mespris que vous deuriez auoir pour elles d'honneur & de respect. Aristote n'a iamais parlé que quand il a dit, *omnis ignorans facile concludit*, & en vn autre endroit, *Qui parum indicat facile resoluit*, en cette conjoncture vostre façon de faire & de patler, confirment son docte raisonnement; Il vauoit mieux tard que iamais se repentir, seruez-vous donc de mon conseil, si vous ne voulez perir dans vostre erreur.

F I N.